

摛藻堂四庫全書薈要

集部

欽定四庫全書叢要

集部

家藏集卷八

五至



欽定四庫全書叢要卷一萬六千七百三十四

集部

家藏集卷五

明 吳寬 撰

詩五十七首

馬遠古松高士圖

傲天地間不為俗士知九衢紛車馬有足難並馳偶來長松下時復一解頤手持白鶴羽萬事付一麾吾心在太古身即太古時所以陶淵明羲皇不吾欺須臾白雲起青山變容姿即此見世故長歌返茅茨

高克明溪山雪意圖

此圖劉公憲得之任太僕
今歸沈昌南後有徐天全

跋 克明宋仁宗時人

題曰臣克明上進

赤脚真人龍鳳姿俯視藝苑時游嬉良工待詔金門裏
高生前身應畫師含毫吮墨立良久自言臣是唐王維
平生胸中無一物獨有山水能容之郭熙成名乃新進
高宗有詩云克明已死道寧逝郭熙後有新成名
范寬得意纔並馳丹青競巧稱院體後來不比宣和時密竹千岡松萬壑蒼翠峰巒
白湖灤岸傍桂楫何處移矯曲茅堂是誰縛行人暮歸

天漠漠遙望前村愁雪落船頭一老獨閒暇詩思分明
入寥廓劉侯朝回過燕市亦復愛畫入骨髓偶從太僕
得此圖每一開之心輒喜天全仙翁惜題字評品數行
而已矣翁今已逝侯亦亡兩洞庭荒渺湖水翁嘗自稱大洞庭主
人而僉憲家有小洞庭故云石田多才從後起況有佳兒好文事只
今此物欣有託賦詩獨愧前人耳宋社久已屋宋畫如
有神劉侯地下勿長嘆楚弓得失皆吾人

辛夷牡雞圖為筆翁張士行題

辛夷花發照晴川獨立春風亦竦然莫惜錦毛加束縛
涪翁囊底恰三錢

次韻天全翁書遺光福徐用莊雪湖賞梅十二絕

永和人物數諸王曲水難勝一野航得似太湖三萬頃
梅花灣裏作家鄉

不游雁蕩即鱸鄉又被五湖勾引忙舉棹落梅春雪亂

開尊臨水玉泉香

吳城西有雁蕩村吳江號鱸鄉

我愛涪翁與放翁此翁應在二之中登山臨水當年事

北郭移舟舊約儂

快雪初晴冰滿灣長溪未許放舟還坐移月裏千株樹

卧看湖邊萬玉山

新築吳西白玉城城中長作看梅行錦袍更向船頭坐
便有神仙世外情

不向山人道姓名詞中裴度晚年情江南風月無人管

天府新除老上卿

天落平湖見鬢絲傍人休笑放舟遲杜陵老愁泥滓
只許青鞚布鞚知

雪後船窓向晚開孤山杖屢勝徘徊戛然何處玄裳影
想見坡僊化鶴來

湖口無人踏斷槎石梁新築卧銀沙如今要識經營意
信步前山好看花

太湖莫作鏡湖看聚塢銅坑地更寬日暮最高峰上立
青天尺五即長安

連宵朗月在青空始悟身居大雪中莫唱霓裳羽衣曲
人間自有廣寒宮

為報春風萬樹梅年年為汝費深杯徐卿況復能相引
不盡青山不擬回

陳起東赴官閩中為題松圖

松有歲寒操北地固所宜何年移孤根種之炎海渭土
人反吾疑豈畏霜雪欺不知長養地枝葉恒如斯屈曲
賦形質蒼古帶容姿惜哉仰受蔭山上苗離離酸甘適

衆口采摘皆及時豈不見閩產橄欖并荔枝

李遵道竹樹圖

薊丘常共此君游又向人間見小丘滿目疎篁連古木
偶然臨楮忽驚秋

墨竹

深林不減簷簷谷亂影都歸丈八溝最愛長竿如綠玉
何年去上釣魚舟

墨牡丹

素衣依舊染緇塵京洛相逢已暮春偶憶沈香亭北事
惱人偏是畫中真

夏太卿墨竹

今代風流夏太常并刀時復剪蒼筤墨君已老湖州逝
却喜人家肯築堂

謝孔昭畫

盧鴻草堂今有無吳中時見謝翁圖松風澗水書聲合
林下高人不可呼

史明古過宿

故人過我室遠自黃家溪歲暮委巷中舊路渾不迷感
此十年內望望各東西斗酒相款曲自起謀吾妻縱談
遂忘暮日隱柴門低相逢既不易欲別還悽悽挽衣願
少留方牀幸同棲況有坐間客玉汝行將躡雲梯呼童

更洗殘春韭亦滿畦是時月初出光輝奪青藜夜久庭
宇空鶴蹟滿雪泥起步脩竹園獲獲驚鳥啼淨掃竹下
壁為我須留題頽然相枕藉鄰家起寒雞天明返舟楫

吳江正流漸

題治平寺碗上人所藏巨然山寺圖追次虞道

園先生韻

疎林逗晚照
際水扃柴關
中有方丈室
翠納千重山
山路多白雲
滃然隔塵寰
倚筇望嶠崿
展席聽潺湲
願邀巨然老
置我水石間
忘歸飽清暉
從此終日閒
層巒結暝色
不逐樵夫還

留題治平寺次前韻

野岸艤舟楫登登扣禪闕木杪望飛閣半依茶磨山翻
嫌棟宇高隔林見人寰石湖分一曲殿腳臨潺湲老僧
閱梵語趺坐寒雲間不知城中人暫到非常閒棹歌答
空谷沿流月中還

宿東禪寺澗公房

戊戌正月十日

來為東莊游還作東林宿林下扣禪扉幽徑行自熟齋
厨夜寂然倦睡雜僧僕方牀習趺坐飲我一茶足坐久
湯室溫洗沐解塵服衲翁故延款展畫更燒燭逶迤水

上城窶兀月中屋夜靜風轉號曠野有高木疎雨忽復
來春夢不可續端如紫極宮百感入詩腹便當游汗漫
安復事拘束晚歲返舊廬為鄰豈須卜

畫虎

時吳中有虎患

是誰捉筆圖猛虎出山耽耽氣尤怒便欲當前一扼之
自笑書生不能武亂山西繞洞庭波山下爭傳虎蹟多
千年故事劉琨得何日偶然還渡河

陰雨

元日甲子俗云甲子豐年

春來不獨東風顛以陰以雨仍連連豈惟元日到人日
又復上弦交下弦甲子歲朝傳好語東南民力待豐年
天時人事有如此回首朔雲增慨然

過相城為沈陶庵和天全翁賞菊之作

菊花開日是重陽坡翁妙語不可當我云但得花之趣
何必秋來菊有黃神仙中人壽且康老年見客纔下堂
幅巾飄飄映華髮導我直過東籬傍庵居春風定先到
已見菊苗三寸長浩歌淵明飲酒章悠然依舊虞山蒼

素琴無絃舊有例當春賞菊嗟何妨封題一笑報蘿子
為我轉致陶柴桑

過沈啓南有竹別業

是日閱李成畫又觀商乙父尊下有銘

繫舟高柳下又是十年餘遙踏無媒逕重尋有竹居筆
精知宋畫器古鑒商書前輩題名在風流邈不如

與啓南游虞山三首

夜宿相川口清朝喚舟人舟人請所之指彼虞山垠山
如知我來笑迂野水濱藹藹春雨餘翠洗雲中身我亦

重茲山竦然正冠巾虞仲骨已朽高名宛如新悠悠松
間路弔古在茲晨放舟轉山塘行行自知津春服亦既
成庶以適此春

我本不飲人愛山如愛酒春遊亦易事出戶即掣肘決
策為此行所幸得良友譬彼足病弱扶掖乃能走虞山
遙在望豈意落吾手側足亂石間縱目平湖口賞心雖
云樂弔古悵然久丹井事有無刻銘覆華構如何梁昭
明書臺蔽林藪山下有葛洪丹井宋學士景濂

明書臺蔽林藪為銘又有昭明太子讀書臺

斜日下嶺西落霞滿川上晚色催人還輕舟復搖漾佳
山難為別持酒忽惆悵悠然一回首舟尾疊青浪故人
知我懷捉筆寫其狀懷土心未除移山力何壯便如王
維詩終南亦堪望流觀入中夜鼓枻起高唱

題啓南所藏林和靖手簡追次蘓丈忠公韻

西湖處士林君復結廬近傍湖波漾百年何物獨傷廉
牆下梅花總寒玉滿城煙火十萬家未信誰人能脫俗
壺酒嬉春拾翠鈿歌鍾入夜燒紅燭獨教老鶴閒應門

走傍湖陰濯雙足高平范公遣使來寄以新詩勝餽肉
風節文章厚與淳兩句平生成實錄才多墨妙更入神
只許唐翁和高曲果然遺墨似其人如倚清風捫瘦竹
惜哉甫里天隨生不趁斯人書杞菊

題啓南寫贈袁德純同年萬壑春雲圖

袁卿高爽不可攀平生眼底無吳山肩輿偶度支硎嶺
俯視龍池纔破顏前山後山作屏几千步橫岡鋪翠被
向曉濃雲觸石生當春好雨從龍起吾鄉沈子今王維

筆端萬壑能移之圖成欲贈袁卿去却請我輩仍題詩
天台雁蕩東南有鄉昔好遊曾遍走縣齋晝靜對新圖
從此不須開戶牖

贈袁德純別

太平肇為縣乃自黃巖分阻山且薄海土俗殊狺狺持
牒好爭訟於古已有聞雖云士風美甘露難救焚幸哉
百里宰一朝得袁君君來坐堂上顏色無戚欣謂民如
絲然治之豈宜棼清節我自持濟以慎與勤踰年能化

服相顧歸耕耘公庭晝寂寂凭几西日曛猶恐耳目隘
適野訪憂瘞肩輿之所至如渴皆醺醺君本廊廟器壯
年躡青雲胸中十二策獻納同河汾小試出等流信矣
光斯文今茲報政還道經吳淞瀆自慶忝同薦詩以揚
其芬

出閭門與陳味芝諸公送德純舟經山塘登壽
聖寺閣時雨初霽西山益佳還飲舟中為陳允
德題啓南所寫春壑晴雲圖是日文宗儒談龍

事甚異故及之

偶聞客談萬山中靈湫一勺能藏龍春來佳氣滿空谷
想見龍起雲爭從誰驅雪浪盪我胸驀然吹散渾無蹤
半塘雨過登高閣引手欲摘青芙蓉

秋林高士圖

風回木落多霜降水流慢高士謝俗塵溪頭獨來慣班
荆成坐久天日喜清晏野曠山盡出隔岸殊可辨度嶺
識樵夫遙知有雲棧王丞在北垞柳子游南澗山水樂

亦同君應免譏訕

贈張汝弼知南安

闕下五色雲爛爛非煙霧吳會天東南却因風吹度夙
稟澤物心終為濟時具迢迢大庾嶺人出南中路既滋
九齡松亦復溉梅樹觸石此其時終焉遍天下攬之願
少留飄然不子顧

楊太真剖瓜圖

深宮六月涼風至紈扇團圓奪秋氣却恨君王賜浴遲

華清水熱通宵沸金刀手弄雲鬟低楊柳樓頭日已西
莫誇碧椀紅瓤美玉齒病來憎瓠犀

題萱草圖為從母張孺人六十之壽

北堂慈母坐薰風萱草當階見一叢莫向洛陽看舊譜
此花真是壽安紅

題劉僉憲廷美寫遺啓南畫

寂寂茅亭下悠悠野樹邊扣門無俗客題句有詩仙虎
蹟黃泥坂鶩羣白石泉相城回棹後畫裏故依然

山行十五首

過橫塘

夏半橫塘風日多
畫船載酒壓晴波
高田得雨皆杭稻
長蕩翻雲足芰荷
未必他年成故事
也須隨處結行窩
悠悠十里城西路
此是登山第一歌

謁韓蘄王墓

家國何多難
推尋為蔡童
贏秦方逐北
周室竟遷東
江左朝廷在淮南
驛騎通天終
憐宋土時則有韓公一劍

橫天外諸酋在目中南雲當箭簇黃蓋走艨艟伐越期
成霸于潛心會戎蕭牆狼跋盡野穴鼠羣空聚米籌三
鎮開門待兩宮齊王真濟美鄂國與爭雄有詔從中制
惟詩咏內訐閭游嗟我獨和議約誰同殉葬長弓勁題
名片石穹龜趺呈細刻龍額表孤忠草樹樵蘚斷粢盛
享祀豐神靈懸皎日生氣亘長虹異代今全盛當論保
障功

望穹窿山

我昔聞吳諺陽山高抵穹窿半壯哉拔地五千初始信
吳中有奇觀銅坑鄧尉作屏辰天平靈巖當几案其間
法華與雅宜水邊橫亘如長岸何人著山經宜作吳山
冠但嫌地勢高山家每憂旱舟行半日青已了却被濃
雲忽遮斷水回路轉二三里依舊諸峰青歷亂人云山
頂百畝平合結茅廬傍霄漢龍門勝蹟未遑添坐向船
頭先飽看

經玉遮山

見山不識山借問山中人王遮亦深秀翠色聳嶙峋肩
輿繞其趾面面松杉新峰巒稍回伏穹窿復呈身細草
被長岸盛夏無埃塵乘閒即行樂願作茲山賓

入蒸山謁徐天全墓

平生晁賈共襟期欲使才名百世垂衆口是非何日定
老臣功罪有天知湖山彷彿精神在杖屨從容歲月移
逝矣姚崇嗟不返憑誰為刻墓前碑

觀眠松

盤盤蒸山麓側徑頻折旋山人引我去云有長松眠石
磴被蔓草躡衣步相連果然見奇樹如神龍蜿蜒鱗甲
生滿身仍怪鬚鬢全恍若出巨壑疑將赴深淵未學擾
龍術却立不敢前天風谷口起繞視惟茫然枝幹既屈
曲不中棟與椽茲山非櫟社亦復全千年旁有短石垣
制作良且堅四塚矻不動密累皆古甌斷裂蒼蘚間有
碑昔人鐫銘文已磨滅篆書冠其顛曰宋故主薄
陸公墓銘荒山
少居民始知陸公阡摩挲發長嘆助我松聲圓草棘莫

剪除應乏雲仍賢旭日照松下因之弔重泉

入銅坑

銅坑山下摘楊梅曲逕人從樹杪來共愛石橋涼氣逼
湖梢未放酒船回

泛下崦

新春已負雪湖梅却為楊家果特來落日酒船山色裏
水南人道畫中回

泊虎山橋

南人相見詫杭州自料西湖讓一籌天為漁家開下崦
晚宜書舫駐中流新詩已判縱橫寫佳境從教次第游
孺子歌聲何處起落霞孤鶩水悠悠

飲七寶泉

誰將七寶地貯此一泓秋片月從空墮清冰出壑流冷
涵山骨瘦細咽竹根幽半勺能消暑名宜水記收

入玄墓寺

高登鄧尉山遙入玄墓寺老僧具衣履出門迓予至落

落長松間一逕獨深邃韁鞳鐘磬聲鳥雀少驚異仰面
睇山腰殿宇危若墜長廊埽清風脩竹自為雋結夏四
五人趺坐更無事樹密山果懸草深井泉秘盤旋登小
樓洞庭正相值洋洋太湖波兀兀林屋翠始知衆山中
此寺真畫笥聞昔萬峰老卓錫據茲地道行既孤絕遺
言有高致化去動吳人金帛爭布施歲久骨當朽遺容
未全敝禪堂晝寂寥雲水乏供饋惟餘佳山水不改太
古意磨厓紀勝游吾當一題字

憇奉慈庵

庵中有白山茶

野寺堪逃暑
登登去叩關
林深長礙樹
路轉又逢山石
鉢分中飯雲房
借半間玉茶花落盡
坐撫不知還

登光福鳳岡

昔年曾學登山法
縱步不憂山石滑
舍輿徑上鳳岡頭
趁此涼風當晚發
遠山朝臣抱牙笏
近山美人盤鬢髮
我身如在巨海中
青浪低昂出復沒
山下人家成市塵
家家炊煙起曲突
梅林屋宇遙隱見
一似野鳥巢木末

寺僧見山如等閒翻怪羣山競排闥偶凭高閣發長笑
笑我胡為躡石鉢夕陽滿目波洋洋西望平湖更空濶
山靈為我報水仙豫設清冷供酒渴吳人非不好登山
一宿山中便愁殺扁舟連夜泊湖口舟子長篙未須刺
懶游已笑斯人騃狂游不學前人達若邪雲門在於越
何必青鞚并布韁

飲海雲院百丈泉

白雲翻海濤行人渺無蹤蘭若因以名秀倚青芙蓉茲

山非百丈泉名與山重問泉所發源寺僧偶相逢涓涓
出亂石灤灤循長松山中不鑿井飲足忘深冬始知白
雲多護此蜿蜒龍品評藉道園遺墨無塵容所恨生也
晚操杖何由從步來當長夏坐挹清心胸紀事強追和
豈圖碧紗籠謫仙咏瀑布莫訪香爐峰

觀海雲院連理山茶

奉慈山茶好標格花開如杯呈玉色海雲山茶更絕奇
奇處不論紅與白兩株並植東軒前密葉如屏遮几席

枝柯一一相交加為是同根忍分拆初疑一人獨义手
忽作兩人仍促膝少焉掉臂纔跬步又復控卷當肘腋
碧玉磨沙成玦環青絲綯索分徽纏我來庭際稍摩挲
引子春蛇憂毒蟄試量旁榦得三圍每埽落花凡一石
風霜飽歷三百年未識何人手中植尋常繞樹多詩客
階下莓苔留古跡河中曾辱昌黎文西蜀休誇孔明栢
世間大樹儘有之似此山茶何處得

家藏集卷五

欽定四庫全書

薈要卷一萬六千七百三十五

集部

家藏集卷六

明 吳寬 撰

詩四十三首

與叅政祝公游正覺寺

寺為元陸志寧別業舊多梧樹相傳志寧每洗

之更有竹數種因名竹

堂後廢有僧洪創為寺

陸公已逝逐浮塵洪老重來刈野榛百畝園林成故事
一天風雨醒游人碧梧淨洗今何在脩竹叢生舊有因
白髮耆英留醉墨晚涼傳玩席間珍

吳仲圭鈎勒竹

仲圭嘉興人號梅花道人
葬處題曰梅花和尚之塔

畫家不見吳道子
石塔尚記梅沙彌
百年筆法兼衆妙
又向人間看竹枝
秦川織錦文瑣碎
峽谷截玉形參差
苦心却怪揚雄語
雕虫篆刻嗟何為

喜雨四首

雨挾風潮勢未休
何人對此獨忘憂
桔槔挂壁農夫坐
起舞茅簷忽打頭

農家勤動自新春
怪見平疇有斷紋
孺子何曾知稼穡

過庭沾濕亦欣欣

不飲何曾說半酣飯餘捫腹已堪慚疎慵又感天公惠
午後當階雨最甘

荒園頻溉趣奴星曉起常聞汲井聲菜飯始知留客易
花闌更覺照人明

與賀美之過陳湖訪陳氏昆仲再宿東明院時
王汝居京師而主僧頓公沒矣因遺其徒良琛
東明院裏重投宿偶見前題一嘵然欹枕亂蛩如昨夜

入門高樹却多年季方不與元方在小朗還同大朗賢
何處玉笙吹未歇山扉新月照人眠

過磧沙寺

寺西有蛟龍浦中有藏經坊僧云鳥雀不入坊中元詩僧至天隱自江右

來居此號筠

溪有詩集

日斜湖上過野寺倦登臨老樹風聲合頽垣雨蹟深蛟
龍潛近浦鳥雀避叢林不見筠溪叟詩禪久絕音

韓文公度藍關圖

光福徐太守家藏

韓公上書諫佛骨自分投荒生不還忍寒作詩示姪輩

千古增重藍田關
關門雪深阻去馬
直氣早已開衡山
唐皇殂矣骨亦朽
瘴江無墓空潺湲
嗚呼瘴江無墓空
潺湲潮州廟碑不可刪

遠游

嗟彼城市人而有江湖想如何屋下身忽在扁舟上遠
游無定蹤日日憑五兩南風舟尾發千里落吾掌如觀
山海圖瞬息歷九壤扣舷歌離騷八極願長往旁人發
大笑此語意何廣屈子百世師未許後人倣

酬海虞陸生寫賜服像

臚傳春殿偶前行賜服深慚出上方豈為形神勞繪事
故憑粉墨著恩光詩中曹氏今為庶壁上吳生遠擅場
歸到山林還有託幅巾偏稱鬢毛蒼

李龍眠劉阮遇仙圖

誰與龍眠作畫評高唐雲雨筆端生欲知劉阮天台事
試讀韓子桃源行

趙松雪長江疊嶂圖

李貞伯藏

長江滔滔向東流憶昔扁舟順流下慈悲閣前浪花白
兩岸青山似奔馬蒹葭楊柳風颸颸江行六月疑深秋
歸來已是十年事看盡偶然思舊游江流樹色非邪是
仍見山腰隱高寺赤岝滄洲杳靄間只尺悠然起愁思
苔溪影落鷗波亭王孫弄筆何時停北來戎馬暗江許
千古遺恨歸東溟

題張外史伯雨贈曲阜孔君詩後

結廬句曲號貞居石鼎千年句法如所有白雲難贈客

豈無清露可為書湖陰小閣題金菌月下高冠製玉葉
白首交游沫水上歸與深恨早回車

王叔明山水圖

叔明號黃鶴山樵

黃鶴高樓已搥碎空有江南黃鶴山山深有客持樵斧
終日置身林木間臨風高歌白石爛隔水或看秋雲還
老夫亦有幽居興對此徑欲移柴關

倪雲林墨竹

古來畫法即書法時從用墨窺良工雲林胸次本高潔

墨氣自與為人同扁舟日暮過甫里竹梢落紙含清風
想應停筆悵然久詩思遙逐天隨翁

沈恒吉小景

扁舟同泛十年前夜宿西山一塢煙逝矣斯人猶在目
古村黃葉帶清泉

畫鷹

林塘秋晚木葉稀瞥然如褰原憲衣野鷹木末俯首睨
豈欲供爾清晨饑嚴霜塗塗百草腓平郊且莫張虞機

天空海濶羽翮健終當一擊奮我威區區鴉鳥何足數
草間任爾東西飛

畫鷄

杜翁昔賦縛雞行韓子曾聯鬪雞句朱冠鐵距本同形
勇怯在人分感遇雞邪被縛良可嗟鬪雞雖勇何足誇
爭如此雞只獨立昂然不屬詩人家

過吳江瑞雲觀

陸道判建黃文獻公有記

笠澤磯頭訪瑞雲洞門高掩寂無聞重湖急雨過龍陣

小塢亂石眠羊羣有懷廬山陸脩靜敢比會稽王右軍
與客松陰論往事摩挲殘碣慨遺文

舟經荻篇阻風留宿王抑夫田舍

時水荒後

歲暮江村落日懸誰家漁網設平田岸頭行客訟風伯
堂上主人疑水仙斗酒急呼聊慰藉扁舟欲去重留連
荒溪白屋炊煙少縣吏那堪橫索錢

題王叔明遺沈蘭坡畫

黃鶴山人樵古松踏月夜訪蘭坡翁浴鶩溪邊放杯酒

尺素頓發青芙蓉
百年坐卧松雪中似舅宛有王孫風
誰教彥遠作畫記姓名也合收王蒙清霜不管坡蘭叢
蘭芽仍茁吳門東山人倒騎黃鶴去黃鶴一去青山空
已亥上元夜有感

夜堂春酒十年前白髮朱顏笑語傳孤露餘哀雙袖濕
淒涼無寐一燈懸長街未盡人猶走急雪初晴月正圓
身在故鄉悲感集他時今夕况幽燕

胡瓌番騎圖

漢家詔下五將軍虜騎衝寒度塞雲終信奇功收幕府
如今不是奉春君

韓節婦

閭門煙火萬家稠獨掩深閨賦栢舟曾識市中無二價
肯將從一負韓休

為姚文裕題畫

憶醉園池之上悠悠二十餘年城裏人家似此畫中風
景依然

與李貞伯游東洞庭六首

過木瀆

舟行三十里初向瀆川過客路偏逢雨人家盡枕河橋
橫光福嶺水接洞庭波倏爾嗟春及田間見荷莖

舟行出胥口

孤蓬遙踔太湖心着雨高山水墨深積氣上蒸炊正熟
弱流西注壓將沉不因迢遞辭清賞轉覺空濛助醉吟

詩裏白公誇月夜未知奇觀屬春陰

游太湖翠峰寺

步轉危峰路豁然梅花叢裏見青天春泥不汚登山屐
又過長松啜冷泉

興福寺小憩

九塢寒泉一澗流遙從木末望山頭春風未埽禪林雪
更為梅花半日留

湖上望西洞庭山

百家棧上望西山縱目遙過銷夏灣未遂真游勞指點

聊憑高興去躋攀石壇相距纔十里林屋都來有萬間
報與山靈須少待會將親手叩仙關

飯法海寺

行盡松杉嶺漸平日高深谷喜新晴山樓飯罷潭無事
獨倚危闌聽水聲

游惠山入聽松庵觀竹茶爐

庵有皮日休醒酒石時新姪隨侍赴

京命和

二詩

與客來嘗第二泉山僧休怪急相煎結菴正在松風裏

裹茗還從穀雨前玉碗酒香揮且去石牀苔厚醒猶眠
百年重試筠鑪火古杓爭憐更瓦全

游金山

大舶西來趁晚潮留雲亭上興飄蕭水從灔瀨流偏急
春到崑崙雪盡消萬里京華瞻北極一時人物慨南朝
中泠入口平生足坡老詩篇已命騷

瓜洲阻雨留曹氏館

水長瓜洲上鱉魚高樓三日雨疎疎主人能慰江南客

晨起呼童作筭道

宿邵文敬清江官舍為題高房山畫卷

淮南春夜風兼雨空堂蕭蕭雜人語戶曹好客無與娛
故展長圖慰羈旅大山矗矗如覆釜小山歷歷還聚黍
人家隔岸見衡茅艇子隨潮歸浦溆眼昏莫辨雲中樹
據案呼童孰高炬千里悠悠亦遠游却喜意行無險阻
闔閭城中為我家俗事到門多跋拒平生惟有山水緣
招我登臨無不許憶昨離家始浹旬此物依然入東楚

乃知高僕畫有神未讓道寧與僧巨願君從茲慎藏弃

對棋寧賭淮南墅

過呂梁洪

力盡千艘勢若傾隱然門限入彭城漢封岱嶽分來脈
禹鑿梁山擬舊名高岸茅茨民舍穩繞灘風雨客心驚
平生亦愛王陽語壯歲難辭險處行

徐州阻風

蘓家故事留詩句仍見夜中風雨來水激萬艘難捩柁

鼓行千陣不銜枚怒號應撼藏蛟窟奇觀須登戲馬臺
河上去程誰算得擬尋石室弔桓魋

與徐仲山東行五首

望嶧山

魯郊空且曠目力安能窮倏見千仞青橫截乎其東羣
山相後先蹲踞猶兒童尼邱亦遠避何曾數龜蒙嘗讀
禹貢書其陽產孤桐剪伐成何用茅茨舜為宮諒惟製
琴瑟搏拊歸良工因之懷古人仰睇雲霄中

觀泗河

四源合一水古河因以名望之渺千頃水口汪然清蕩
搖鄒嶧山映帶兗州城餘波入漕渠資國功匪輕疏濬
藉水部來往勞經營欲渡免舟楫石堰築且平臨流一
縱步魚鱉不我驚即欲窮其源何惜此數程念昔洙泗
間講業皆諸生河廣豈水然聖澤惟盈盈茲游幸沾溉
自慶非徒行浴沂效前哲春服亦既成

入孔林

兩楹既夢奠黯矣斯文光巍巍魯城北冠屨於焉藏墓
木不可辨合抱十萬章知為門弟子移植來四方惟昔
治任日相向哭且傷孰知千載下儒者猶心喪愚生復
何幸瞻拜俄其旁去我有周末藹然覲溫良如陪游與
夏執贊同升堂惓惓東引領夙願今始償嶧山千仞高
泗水百里長何必四尺封天壤俱存亡

觀手植檜

魯宮久已壞孔宅仍如新悠悠二千載手澤嗟猶存所

存匪他物奇樹當高門矯矯歷霜雪青青出埃塵親承
時雨化生意常欣欣相傳藉文字烈火經羸秦而此特
萌蘖挺然異其羣羣木繞庭際合抱高入雲尋常豈得
似隱起成旋文端如人索綯纖縷依然分米芾好奇士
於道未必聞玩物有述作意與石丈均我來重謁拜欲
去步幾巡維魯多松栢斷度見詩人徂徠與新甫遙瞻

失嶙峋

謁宣聖廟

林立穹碑蝕古苔廣庭端拜殿門開玉封高並東山峙
聖澤長盈泗水洄已冷阮灰科斗出未行綿蕞太牢來
只今老樹成連抱天遺森然愧宋鼈

家藏集卷六

欽定四庫全書

薈要卷一萬六千七百三十六

集部

家藏集卷七

明 吳寬 撰

詩二十九首

再至都下葺故廬

城東地僻稱吾曹近石功成屋脚牢九市塵埃真可避
一天風雨漫相撓不嫌巷隘妨肥馬却愛牆低過濁醪
終老吳門敝廬在叔孫必葺笑徒勞

答潘時用和前韻有卜隣之意

詞林無事本清曹頗勝山虞掌獸牢半畝往來隣可卜
一朝謀定客休撓過從須免投空刺稱賀先判出宿醪
總道詩人家具少載書仍有借車勞

送表弟吳子高

冒暑拏舟來衝寒上車去非關好遠遊骨肉情深處

寄洞庭施翁二首

故修撰樂之從父

流泉迺屋老梅村憶接春風笑語溫曾識醉翁山水意
為收尊俎只開門

先朝翰撰是諸孫白髮清門古道存送客過溪成父立
不扶藜杖到黃昏

送蔣元用知樂亭

雨後泥途僕馬勞東馳急欲試牛刀早從鄉里知民事
不為科名重吏曹海岸循行秋水盛淞江瞻望白雲高
漢書每愛桐鄉說史筆無能亦強操

憎蠅

依然秋後轉多蠅信矣歐公作賦憎讒說欲行曾止棘

寫言猶在却疑冰絞繩取象緣交足揮塵妨眠罷曲肱
一夕北窓寒氣至營營知爾亦無能

送顧郎中天錫調永州同知

西南山水富清幽子厚文章記永州此地一行殊不惡
何人三點獨無憂全家下瀨憑孤棹空橐迎寒典敝裘
便道吳西親展墓却非前度望松楸

苦雨歎

朝雨風從西暮雨風從東東風西風朝復暮繞簷雨脚

惟隨風長街泥深困牛馬廣庭水漫歡兒童今年春熟
已無望秋未復偃溝塍中禾頭生耳應俗語哀哉歲計
嗟成空朝班侍立日復日日聞銀臺陳疏封四方水災
什六七祈免二稅須年豐聖君無為抱淵沖一語悉屬
司徒公司徒經制在國用爵賞所費財當充江南被災
已十載田疇今與江湖通都城此雨有深意天欲示人
如發蒙詔書寬大行當下作詩欲賀耕田翁

為陸病逸題畫

一卧茅廬三月深出門秋水散蹄涔亦知病裏多新語
不肯從人換橐金

送馬庭簡赴福寧州判

胸中貯書十萬篇清思妙墨皆堪傳平生知已有我在
當世幾人如子賢向來六館同周旋石城風月仍年年
青袍徒步赴銓選白日旅舍窮殘編年餘五十得州佐
差勝抱闕并乘田眉間乃有毛義喜便道得過庭闈前
上堂捧酒拜家慶紆朱曳玉何須憐秋盡黃花開未全

小春想見江南天臨平山中樂三月雪晴好泛閩江船

次韻題元新昌呂孝子德升詩墨後

百年純孝出儒門天意能令片紙存手蹟封題聯從子
人家收拾仗諸孫蛛絲煤尾呈奇物春秋霜感厚恩
南望沃州山下路草堂風月冷琴尊

壽徐耕學

鄧尉山中一布衣築堂住近釣魚磯扁舟綠水纔三尺
小圃黃花滿四圍公府招延開幕久里人爭訟入城稀

祝翁強健長如此老作田鄰願莫違

壽義門鄭仕信母八十

白鹿溪上舊旌門舉案何曾有婦言獨向一身完至行
能令三子荷慈恩長繩欲繫西飛日春酒來如初發源
前去耄期纔兩武含飴還待哺玄孫

次李賓之用陶韻止詩

昔觀止詩詩意謂詩已止嗒然吾喪吾翻在辯說裏淵
明寧止酒文術乃責子苦思得益郊新聲有侯喜紛紛

諸詩人一言子可起何況數百言和答各有理茲事已
三年屈指丁及己穰穰京邑間散落亦富矣秋水盛呂
梁安能辨涯涘寥寥十二篇眼中邈商祀

臘八日賜宴

詔遣長筵列鳳池人間節序九重知食傳內饔真成例
坐接同官易得詩雪裏高寒瞻玉宇風前微動識朱旗
十年左掖頻分席深愧黃封酒滿卮

與陳起東食臘飯

歲暮相過恨少歡小筵臘飯擬春盤休開碧碗抄雲子
旋把金刀鏤雪團故里幾人同雅集吾生今日本閒官
天寒更為呼尊酒醉後猶能賦伐檀

寄光福徐雪屋

吳下隱君徐雪屋久緣山水伴漁樵孝廉有士還堪薦
貧賤於人真可憐書卷夜當巖月展布袍寒傍渚風飄
銅坑深處楊梅熟尚憶題詩坐石橋

庚子立春朝賀

金闕遙開動樂聲殿前袍笏侍春卿歲星忽傍東方起
曉日初辭北陸行擬學宋臣題帖子待看唐室進讎名
禮成再望天門拜列坐均霑錫燕榮

讀陳玉汝紀夢之作

憶年三十憂無兜紙上仙翁誰贈之沈卿自云手親寫
儼然挾彈張鬚眉悠悠十五流年内兜子三得仍三遺
門懸弧矢雖暫喜架挂襁褓翻深悲只今沈卿亦逝矣
厚意虛辱令人疑翰林吉士東吳產長身廣額兼豐頤

視子屈指五年少三兜玉立肩參差尚憂娶婦孫未抱
天生兩臂將安施沈卿有子尤善畫良夜夢感仙圖披
起來促筆忙志喜一段奇事成新詩陳君陳君真好奇
向人說夢何其癡惟君有子昔無夢如我有畫今無兜
蘓家軾轍亦偶爾此例豈可攀而為從來仁者說有後
敢以天道冤無知君心不足龍還蜀我欲易滿堊之夔
明年相與發一笑我當弄璋君含飴

辛丑元日次韻羅明仲洗馬朝賀

紫垣兵衛法句陳立仗天階滿瑞麟律應宮懸分氣候
光生庭燎散星辰周詩所願無如壽堯德難名總是仁
玉殿三回叨侍從衣冠深沐御牀春

郊祀畢承天門迎駕

禮成郊祀屬新年盛事休誇古賦傳萬馬盡驅驚海鴻
六龍徐度識天旋日高袞服依黃鉞風細韶音隔綵旃
咫尺堯眉真可覩華夷拭目共爭先

慶成宴歸招陳起東賞燈

正月十四夜

公署齋居長曼曼三日盡將葷酒斷故人契濶令我思
欲往從之足如絆翻然騎馬何處歸御宴日高初飲散
腹囊例許攜其餘猶有郊壇牲一段午窓坐睡晚始醒
婦輩堪呼僕能爨盤飧已具酒有無拍拍欲浮欣滿罐
竹爐火暖酒漸溫瓦鼎湯鳴肉先爛作詩聊代折簡招
及此孟春今始半客中無物相與娛一盞華燈光燦燦
煩君為我搜詩腸佳節豈宜空對案酬和惟應陳與周
玉汝原已要見累累珠一貫忽忽步屢不可遲他日來觀成

補灌

元宵獨坐

屋底燒燈俗強同蓮花照眼瓣能紅月光轉向中天好
人意何如昨夜濃十四夜與起東玉汝原已觴詠至三鼓始散

故里關心惟

弟姪誰家拍手有兒童春風又報城門柝起步空庭見
斷鴻

翰林宴集閣老以宣召去

白玉堂開酒未闌忽傳中使下金鑾漢家事事歸臺閣

猶幸三公坐不安

送孔憲副赴廣西

十年大夫官亦榮蕭然被服仍儒生胸中自有萬人敵
何勞擐甲兼操兵嶺南羣蠻昔猖獗干戈滿眼尸縱橫
連民竄伏遍荒野高州殘破餘空城是時君來作民牧
仰天誓欲安黎氓身騎羸馬從孱卒瘴嶺惡溪循數程
羣蠻望見遙相驚我來惟仗信與誠片言開諭纔脫口
馬前羅拜咸輸情腰懸木牌忠聽命手斷藥矢誰違盟

弱男寡婦免係累山谷日昏猶哭聲惟連惟高我守令
汝獐汝猺吾父兄軍中主帥驕心萌謂此已降皆可刑
獨將一身保萬口訖今軍旅休南征君於異類且有德
斯民眷眷能相傾祝良張喬世重見人物信是吳中英
外臺遷擢終借寇上國追隨爭識荆同鄉數聆情話好
偏怪不肯誇功成邇來用兵貴神速時有威寧海之襲

下僚旋

踵登公卿以君累歲出死力有司豈合先知名迨追桂
管古所置領檄再作西南行投荒歷險自無怨公道藉

藉歸詩評奇功聊爾錄一二碑文敢擬淮西平

懷脩竹書隱

春寒漠漠雨溟溟假寐書牀午夢醒十載客居便巷陌
一時鄉思繞園亭繁花照檻知堪賞亂石鈎衣憶所經
恰有古苔三畝綠都來脩竹萬竿青當窓好鳥通人語
挂樹危藤學字形日射韭畦朝可剪香凝棧室晝常扃
鹿場舊築猶存號鶴冢新封未刻銘架上殘編歸擬讀
移文不待北山靈

題倪雲林畫

雲林晚歲斥賣田宅念其友張伯雨道士貧而且老持其金悉畀之

後黨禍起富室多死徙雲林獨無事人始賞其有見王光庵為墓誌特載其事

黃金散與列仙臞江上扁舟逐釣徒為語紛紛評畫者
要知迂叟不為迂

家藏集卷七

欽定四庫全書

家藏集卷八

集部

明 吳寬 撰

詩四十四首

分題武城送奚郎中歸省

舟行漕渠上日暮臨孤城泊舟試借問因得茲城名逶迤無百雉人煙少交橫蕞爾齊魯間獨感郎官情吳門至洙水豈乏三十程偃也能北學學道功乃成一朝辭孔席去作邑宰行為治以禮樂用武忘甲兵宣尼昔枉

駕轍蹟猶分明壯哉孰非縣不貯絃歌聲遺風被千載
易使還黎氓問俗野煙起懷賢春草生因尋言游室更
醉澹臺瑩

分說字韻送起東赴江山教諭

門前短狐裘下馬立深雪憶君遠來初寒氣方凜冽俯
仰曾幾何時候已向熱三日春風顛黃塵沒車轍城南
大道傍正怪柳可折悠悠二十年會合嗟久缺旅館相
過從情話始親切新檄復自持向我忽言別別路何所

之遙遙指東浙邑以江山名信美不待說獨言抱高才
進取一何拙長鬚漸斑斑仕版仍下列幸惟師道崇君
子意所屑置酒臨長濠適值脩禊節觴詠爭騁懷我獨
如哽噎挽衣不能留越枕行且振惟君處鄉間早歲得
詩訣運思無凝滯往往筆為舌客居屢相投佩誦總清
絕只今屏障間一一懸珮玦離憂聊藉茲庶幾自怡悅

分服字韻送姜恒頫御史赴南京便養

落花芳草連平陸驄馬行行入南服豈無斗酒可留君

頭白高堂懷就祿，婁水雲低異太行。
秣陵天近如韋曲，過庭莫道諫書稀。手中自削三千牘。

謝孫希說送蒲團

新編蒲葉未全乾，倦坐藜牀每羨丸鑿。美相隨無長物塊，然宜付此閒官禪。
心似彼何時動，病肘從今有處安。聊就坡翁偷謔語，一詩換得兩尖團。

東坡謝送
蟬蟠之句

為費廷言題沈士偁畫枇杷雙鼠

古詩三千兼刺美，孔筆不曾刪。相鼠齊諧志，怪到張華。

博物應疑鼠有牙蟲魚註成非磊落韓子作詩譏郭璞
後來碑雅亦何為中有鼠譖煩農師鼈鼈鼈本同族
散在人家稱小畜畫圖此種栗鼠否竹鼈野處同其儔
紛紛恣食高廩米畫伏穴中那有體一前一却誇委蛇
李斯為汝誤已多暖風吹林金顆顆獨在江南飽珍果
永州事敗無子遺甘與鷦鷯守一枝

張子俊畫松

周尚文太僕藏

案頭佳楮不盈尺上有千丈之長松非闕月落影如許

連蟠欲起雙蛟龍我方隱几當清晝彷彿徂來見深秀

空堂颯颯風聲寒滿把稜稜霜骨瘦昔聞張鄉人品高

王芾與之稱二豪鳳池揮灑出天趣往往筆底翻波濤

杜陵詩翁去我遠愧此畢弘與韋偃故園舊種陰已成

獨客燕山歲華晚

過玉汝半舫齋觀童子種植

豆籬瓜圃旋看成坐覺齋居意思清待到翠陰堪覆座

老夫須挈酒壺行

歲寒三友圖

檜生巖壑裏凜然歲寒姿衆卉豈不好貞心少相知南望庾山麓北瞻淇水湄氣味雖脗合猶恨道遠而生綃纔盈尺一旦聚于斯匪藉縮地術良工親手移能事出腕指託物由心思邪人多黨與蔓草難芟夷正士每特立嘉樹不附麗時或倒置之山苗反離離維此一堂上霜雪同襟期聊因草木類竊比唐虞時后稷既在位繼以契與夔紛紛共鯀輩末路將何為

陸參政挽章

一世惓惓義舉心宦途豪俊每披襟秋臺吏牘陽春暖
炎海戈船島嶼深客滿鄭莊曾置驛人如陸賈却無金
錦雲溪水聲嗚咽執繩何勞更託音

端陽日

是日夏至

夏至端陽一日來人間節序併相催飯包青箬為時食
甕拆黃泥有宿醅幸少俗塵栖陋室喜多甘雨潤枯荄
此時又作家園想筭籜藤花滿石臺

寄顏澄之工部

京口相逢又一年別來書札賴人傳午窓睡起頻揮汗
最憶金山共飲泉

郭忠恕雪霽江行圖

沈啟南藏

路出三峽風颸颸江天雪霽宜行舟水枯灔澦高突兀
木葉落盡俱東流艤艤相聯蔽江下半空結構如危樓
兩舷之間可走馬主人恐是王益州獨嫌百物具蓬底
如何不設戈與矛後繫一舟亦千斛什器滿載餘甌甌

青簾翠幙互掩映綵繩錦纓紛綢繆玉爐頻爇沉香火
寒氣不到珊瑚釣篤工忙師噤無語指落層冰誰為收
安得挽以百牯牛代汝僕夫力且休人生得意在富貴
鄉里小兒驚宦游望中隱隱連遠洲深樹落照哀猿愁
日將暮矣泊何處萬里幾轉青山阪狂仙畫筆窮冥搜
圖外意思令人求陶翁願棄五斗米未肯折腰從督郵
飄然輕颺孤舟去惟有葛巾猶在頭高哉斯人誰與儔
嗚呼高哉斯人誰與儔

送伊德載赴南京刑部

闕下爭看進士袍南行又喜入刑曹青雲潤步空塵土

丹鳳孤飛好羽毛茂苑百年門巷舊先世吳人甲科兩世姓

名高

族叔侃丙辰進士

不須分祿遙為養甘旨公餘手自操

題畫送陳明遠赴丹稜令

洞庭木葉起秋思正是扁舟赴蜀時十里山城知卧治

卷簾清晝見峨嵋

賦鐵甕城送費廷言歸省

鐵甃城何崔嵬孫吳昔此作京邑萬夫築土施金椎上
有千雉環列下有四門洞開隱然屹立絕飛鳥獨許北
固山相陪吾嘗登其上縱目重徘徊西瞻秣陵樹南望
姑蘓臺北瞰長江作衣帶東觀巨海如酒杯城中多居
民市肆浮紅埃時平日不識兵革城闈積雨生青苔萬
室相掩映水曲并山隈茲城真畫笥收拾能兼該芙蓉
樓頭朝日出鳳凰池上春風來官寮登高或乘暇能賦
豈乏王與枚郡人暫從天上回都門車騎聲喧逐當筵

何物可贈別一闋鐵甕歌新裁北固有時崩鐵甕無時墮
詩家比興義竊取堅為君操高為才秋江水滿君行哉

與僚友出城餞廷言後入月河寺

月河秋水鴻城陰十里沙隄馬蹟深自笑竝遊如宿約
祇緣清坐費新吟危亭近逼孤雲角小徑潛通萬石林
不是已公留客住晚天涼思正盈襟

為李瑞卿寺丞題王叔明義興山水圖

陽羨山深嬾杖藜臥遊三日路仍迷雲中望見乘舟者

始識遙通罨畫溪

與蔣宗誼城東觀泉因憶舊談越中五洩之勝

秋早俄驚急雪流夜來高岝雨初收同行賴有三山客
試問何如五洩游歇馬旋成燕市隱扣舷遙想越人謳
玉泉山路涼風爽還約尋源向上頭

次韻張汝弼見寄

其詩有詩法將隨陸放翁
又立命獨嫌磨蝎宮之語

盡去淫祠如狄相大興鄉學類文翁郡中有守今難得
嶺下斯民久不逢詩法雕蟲成小技術家磨蝎忝同官

遠期君子來朝日橫浦風高起雪鴻

任月山九馬圖

前元畫馬任月山九馬意態皆天閑開圖似具方臯眼
不在驪黃牝牡間日午歸來千里道渴者飲泉飢乾草
風前汗血流未乾仍見雙蹄騰櫪阜曹韓已遠圖有無
猶賴杜老詩如圖慨予何以慰馬癖空對驥駢并駒駘
唐家自得王毛仲一時下乘千金重此圖卷却勿浪開
旅獒日日宜矇誦

悼彭侍講先生

江右才名東髮知
商家三俊用何遲
鄉賢忠節心相契
古作雄深力獨追
壁宿雲昏愁永夜
瀟龍石潤瑞多時
潸然一掬臨風淚
誰說東坡只哭私

秋夜彈琴作醉翁操

偶彈醉翁操
載誦醉翁吟
齋居當月夕
風露正盈襟
誰云在城市
而獨非山林
似聞松風起
吹落古澗陰
澗水相和答
琅然有餘音
神游幽谷底
步入瑤琊深
翁貌殊

秀偉幸哉見於今挂壁有長圖山林氣蕭森高人多古

意亦復彈吾琴紛紛流俗外誰識此同心

時陳玉汝以所藏朱澤民

松溪琴士圖

索題遂及之

與原已過玉汝半舫齋看月時八月十四夜

錦袍寒重未成眠飛蓋西園又一年桂魄強論千里逕
人心猶待十分圓天低韋杜看逾近夜久奎婁坐稍偏
更拂冰絃彈古調醉翁餘興付琅然

重九日與蕭漢文出游城南

詩家長不負清秋，足馬城南又出游。
霜落茱萸經古汎，烟橫苜蓿度高丘。
莫論來歲知誰健，還怪前人管蝶愁。
向晚悠然何所見，青山依舊滿牆頭。

再游城南

登高始經旬，野景宛如昨。
園空秋葉深，山淨寒雲薄。
清尊喜共持，破帽拚重落。
日暮淡忘歸，黃花翳孤壑。

送僧道菴游五臺

頭白吳中一老僧，慣將雙足付凌嶒。
如今又向五臺去，

此是諸山最上乘

謝孔昭臨黃大癡畫

大癡道人避世士移家舊隱虞山裏早年能畫老入神
落筆虞山宛相似深林依稀村塢重水口近與昆湖通
高岡硯碗勢欲墮此老前身黃石公百年以後誰其亞
昔者吳門稱老謝案頭臨畫似臨書咄咄逼人真可詫
風流前輩杳難攀謔語空傳謝疊山窓中遠岫依然在
天際春雲仍自還

孔昭善寫山

自稱謝疊山

陶靖節歸去來圖

卷八

搖搖輕舟曖曖故里陶翁歸來僮僕咸喜柔櫓將停長
纜斯理迎候者誰曰維五子舒宣前拜繼以阿端雍佟
傍門翟氏整冠家人相見孰云寡歡督郵何人縣令何
官治我三徑謝彼五斗束帶則難荷鉏何有力耕雖勞
賴有濁酒一杯對持田父我友歲荒乞食翁則不貧革
門柴車素琴葛巾孤松可撫高柳可薪佳菊可采幽蘭
可納使翁乏此中亦自樂樂夫天命而無愧怍白雲遙

遙懷古有作班廬既返斯語自昨兩晉文章惟歸來篇
畫史運筆丹青乃傳王室終燬相門獨全荆軻之詠又
孰傳焉

悼張亨父

詞林何事失斯人不見風流迴出塵昨日退朝鞭共舉
他家聯句墨猶新棺停舊舍魂歸遠車過長街腹痛頻
無力能為孤寡計題詩聊復報關津

詠邵文敏所藏轉刀

鑠金巧思出工倕獨抱機心展轉危報主久知深自許
授人難辨倒相持筆端字悟藏鋒妙裏底錐嫵脫穎遲
詩社埋頭羞銳進吳箋一割尚差差

詠湯姬

笑汝皤然似一公窮冬相伴勝房空三緘口不思援上
九轉腸應為熱中詩詠懷春同少女禮云當夕稱衰翁
平生知足渾無辱不恨孫弘布被蒙

次韻答賓之作書戲效拙體

書家新樣出眉山若擬丰姿定玉環硯治百坡空對影
管城一孔但窺斑臨摹惡札勞唐楮結構奇材得魯般
此意亦知聊戲我試看撓奪語尤頑來詩小序有勿怪
撓奪蘓家行市之語

再答

西臺退筆塚如山魏晉書家盡轍環長愛弱毫能瘦硬
戲將濃墨故爛斑物知久假非真有師出無成定早般
般與班同趙充國傳般師罷兵
來詩後題曰行且還故步矣
歲暮百篇期和答莫辭

呵凍手偏頑

三答

蘓墨穰穰滿屋山宿緣疑是手探環馬形始悟當書尾
羊鄒無勞強索班屢屈漢庭陪絳灌遠輸齊栗荷姚般
社中一笑同游戲三絕君仍有絕頑

四答

春風初起到燕山書客朝來喜賜環詩陣且教旗正正
朝衣空涴墨斑斑廉頤謝罪宜先藺趙鞅行軍已殿般

只尺西臺還故步雪當獨立愧疎頑

五答

都下才名李義山詩筒相送幾循環寒蛩入戶聲初咽
拙鳥成巢羽獨斑聊復據鞍如馬援不因奪邑愠剝般
壯年已受書壇戒幸少童心莫比頑

次韻答謝于喬送石首魚腊二首

腴腹無勞重剖開依然尺素喜偕來野人頓頓宜常食
甲第紛紛自滿堆雪裏作羹誇道韞病中和粥慰僧鬼

佛經云比邱有
疾可以食之 相逢舊是烟波客興繞江湖句易裁

鷄籠擊送手親開片玉遙從海藏來自取割腸膠獨餌

周禮魚餌

若教駢首石成堆名傳詩客如通印力盡漁工學

背嵬楚俗未知鮮食美莫臨陶鼎索新裁

答賓之
之戲

答于喬次韻謝送冬筍

西郭清風棊墅開門前俗物敢持來聊供香飯抄雲子
為想長饑廝雪堆空腹冷含金瑣碎壯心未怯玉崔嵬
知君能畫非饑守乞與鵝溪絹剪裁

又答賓之次韻

吳船遙泝雪江開曾遶簷簷谷口來鹿角幾時林下解
蒲芽何物市中堆小盤朝送情偏雅巨室山裝勢亦嵬
人說孟宗多孝感北堂供饌手親裁

時賓之母夫
人病初愈

謝馮佩之次韻送鹽筍

桃竹初疑一束開齒牙還辨越船來囊盛藤子新題帖
飯煮芹菹漫作堆興逐先春風味勝功收斥鹵雪花嵬
任渠老硬相評品未許伶倫當管裁

鹽筍老硬為

賓之所評

答于喬再次韻送魚鮓

晴窓裏鮓帖初開碧枕紅鮮入饌來禮尚右腴空古制
食宜方丈向前堆舌端漸覺香膏美齒上頻驚脆玉嵬
東海任公今謝傅六鼈須為一時裁

次韻謝凌季行送新釀六尊

寒掩蓬門午不開東隣新釀叩門來黃封內法何從授
紅印他家自滿堆飲量笑添清澮闊吟肩醉聳玉山嵬
青州舊例今重舉從事多能未減裁

飲于喬家以端硯聯句畢復拾餘韻

披雲離北巖度嶺入中夏飲水從溪漁過都傾市賈氣
陵松滋侯姻締薛濤姐重藉剪楚茅方函斲川椒津津
剖馬肝濺濺摸羊羶刖足恨踴踴仰唇驚甜閑守黑面
豈黥含貞口終啞靜維有壽焉玷尚可磨也魯史紀獲
麟晉帖題襄鮒供給到唐文護持等商肇眉形空愛纖
風字仍嫌哆却立敢摩肩儂行當出跨載觀七八評重
補六一寫取友必于茲舍渠總其亞器隨詩銘傳人當

碑刻打嚴韻拾子遺微才任聊且

家藏集卷八



總校官庶吉士臣侍朝

校對官主事臣張培

謄錄監生臣阮鍾環

欽定四庫全書會要

集部

家藏集卷九至十二



欽定四庫全書

薈要卷一萬六千七百三十八

集部

家藏集卷九

明 吳寬 撰

詩五十一首

辛丑仲山自寧陽回過宿同朝正旦

魯公司地三年不負知過門多舊話下榻又新詩曉
日瞻鸞輶春風集鳳池聯班同拜舞鵠鵠喜肩隨

次韻李世賢齋居見懷時予病目不出

飯罷齋居撤紙屏定知踏月步空庭上林此夜歸鴻落

後圃何年睡鹿醒

劉保齋為院長時
嘗於後圃瘞鹿

綵筆淋漓分曉露

玉堂爰兀帶春星高情咫尺勞相望思繞西山萬疊青

夜坐懷齋居諸公次前韻

布衾寒擁對牀屏鵲繞南枝月過庭暝目誰除童子障

齋心自比太常醒花時漸好仍籠霧燈節相催屢問星

俗傳元夕晴初

八夜看參星便有玉堂天上意銅鑪當案冷煙青

次韻鼎儀世賢問予病自

藥裹長隨老杜居全憑坐客誦方書巖前激電空聞爛

屋上繁星頓覺疎遙望未能知正馬不祥幸免見淵魚

詩家善謔坡應爾旅館清齋澤也如似說北門春色近試分東壁夜光餘煩君漫舉盧全事此事非予却是渠時玉汝得子

詩以見戲

賓之鼎儀以前韻倡和句有及予者答之

十日寒窓嘆索居案頭空積故人書屢親藥物青囊近衣免朝儀玉珮綴春到能言慚慧鳥日高猶暝羨鰣魚陰鏗句法何人得陸贊才名後代如獨恨無譏非鄙下

尚留遺韻豈周餘心齋不比身齋者誰識清宵夢石渠

喜蘓御史還朝

昔報分司御史歸曾聞父老共歎欷江南列郡同三輔
天上羣星有太微白筆手題封事滿赭衣人立訟庭稀
周家擬用蘓司寇咫尺威顏定不違

寄壽陳楨軒五丈八十

天南永夜壽星孤盛事新傳自古吳長巷鐵餅依甲第
廣庭絲障擬蓬壺山花似錦爭來獻春酒如漚不待沽

玉敕早封周柱史蒲輪遙載漢經儒雲霞蕩影蓮華屋
鸞鵠分行峙碧梧離席旅酬期客醉當階答拜却人扶
康寧無恙應仙骨僖敏同胞亦美須帶索總誇三樂在
將車猶憶二難俱歸然鄉里靈光殿久矣丹青范蠡圖
杖屨未能隨父執衣冠獨幸接師模廣成千歲從今致
晏坐棟軒看織烏

送周希正教諭赴嘉祥

心繫慈闈裏名題乙榜前治裝初北上奉檄又南旋得

祿家無累橫經席可專此行應暫屈拔擢待他年

題雜畫四首

策杖何所適高歌度林丘青山餘興在三步更回頭
昔觀水村圖長愛趙松雪咫尺真宛然人家倚丘塹
雪湖清可游欲往乏艇子誰築臨湖亭寒波動窓几
水雲同渺然細嶺空翠色憶在太湖東弁山恨相隔

送劉時雍職方使寧府

面承天詔下蓬萊路指江西巨艦開持節總行藩國禮

按圖魚試職方才錦袍明月神仙去畫棟飛雲帝子來
河漢莫勞瞻望久星槎秋近却須回

憂旱

雲漢詩人詠刪餘見聖經民情方貿貿天道豈冥冥赤
地連秦晉清流涸汭涇端愁未種斷久待麥苗青竟日
瞻雌霓中宵問畢星近郊仍太甚當寧不遑寧丙枕勤
圖治秋臺緩用刑省躬曾下詔遂耳遂俱聽好雨當驅
魃狂風預殺螟小臣期入賀志喜更名亭

王叔明村舍圖

田間雨過騎秧馬箔底煙生餽火蠶偶看王翁村舍景
翛然午枕到江南

送顧希遂劉以規赴遂昌縉雲二縣令

路指天南處士星聯車清曉發都亭漢家循吏應同傳

預熟堂前戒石銘

吏部曾摘戒石銘
二語為題試選人

希遂持栢子庭古木圖求題為其尊翁壽

老僧作畫真游戲不向繩牀立文字禪餘捉筆掃生絹

王宰胡為獨能事槎牙古樹形甚奇疑是蛟龍傳雙翅
雲蒸霧湧不可羈絛爾卷之藏畫笥亦知社木非不材
全此天年皆自致石罅盤根意却甘穢棘任渠生滿地
海虞顧翁隱者流有子教成為縣侯翁今年紀過八十
頭白人間無所求日長抱孫坐堂上右手尚能持酒甌
試題古樹為翁祝遙與莊子論春秋

久旱偶讀王半山暮歸一首感而次韻

八月不雨天冥冥宿麥半死黃兼青雨師出游風伯阻

半道執轡車還停天門萬里欲往扣闕人辭謝言誰聽
益池養魚真戲爾勺水亦復揚清泠洛川迢迢不救旱
川神微步誇娉婷安能斂之灑九土一唱吳歌搖越舲

送陳堅遠

杏園事落莫已過燕都春有司愧淺陋使子志不伸銓
曹重縣令謂此民所親終然被簡拔去慰黔陽民黔陽
在西南地與川蜀隣茫茫沅湘間曷置子一身朝廷不
忘遠一視同其仁遠人德乃服勞予以撫循子昨來都

下本作觀國賓買屋柴市南地偏避車塵十年艱旅食
家人總訴訴我數往叩戶子輒起正巾清談盡欵曲書
畫復前陳客中易交結何人最情真如子兄弟賢氣力
安能振庶幾年尚壯美玉終難湮洞庭木葉下水落當
知津扁舟逐去雁悵望遠行人

送沈良臣

家有宋高宗書良惠堂扁

杏苑春風後車塵帶落花儒衣初出郭御扁舊傳家易
許丁寬講詩從沈約誇扁舟明日路江上暮雲遮

種竹

人間此日六月六獨卧北窓逃暑溽起來手校百家書
種樹新編存舊錄今朝種竹云最宜況是淙淙雨初足
城西佛寺許見分亟往乞之休待促泥塗十里何遙遙
健步携筐馳兩僕叢林夏半放葉稀新笋纖纖簪琢玉
雨餘荒砌更旁尋土潤長鎌還易劙入門便作摩戛聲
眼中遂有筼筜谷連年生意殊寥寥淨埽虛庭無寸菜
此君與我多宿緣不鄙閭官故臨厚長身嫋嫋凡六輩

瘦骨稜稜纔一束淺深稀密種如法更記南枝水頻沃
清風屢為拂緇塵何異振衣新出浴翛然搖動久參差
牆下疎影散朝旭詞人墨客會登堂預傍詩壇建牙纛
素餐語陋歌伐檀多識名慚收采蕡青春高宴桃李園
尤怪謫仙銷夜燭好來此地倒壺觴安用他家置茶局
日高相對欲忘味一任連毛笄脫粟長慶詩中紀似賢
白傳名言斯實錄敢作尋常草木看造次下堂猶整幞
平生求友益者交勁節虛心盡忠告豈學尋常稽阮徒

散髮昏昏困醞釀因懷舊隱闢小園一箇郊亭四圍綠
坡仙為我製詩箴楣上分明揭醫俗扁鵲徒聞藥最神
平居肯費黃金贖醉眠欹枕石牀危放步曳筇苔逕曲
中林慣去復慣來鳥獸相忘免驚觸場閑町疃伏麋麌
巢接栟櫚哺鶴鵠燕都再住又三年俗病誰醫且憂篤
北地高寒木易凋難同吳越魚閩蜀不圖致此到吾廬
信是此君多眷屬春來雷動籜龍行尚憐地窄身蹣跚
鄰家隙地半畝餘久矣棄為牛馬牿邇來見售教埽除

歛見疎槐蔭繁萼古井西偏糞壤平移種終當操畚揭
溝澗循行防旱乾雪天障護從跛瘃猗猗如簣且如包
放出千竿愜吾欲邵家舊例倘可攀小結行亭工自督
交游倘識匏翁情昔者詩篇煩再續

寄李貞伯

金母橋頭置隱居近來清思復何如遙知舶趨風吹盡
燕子催人好束書

送吳德徵

溽暑宜多雨南行又見君開尊臨積水挂席帶疎雲片
玉崑山出清風建業分鄉邦為別意投贈愧無文

史館偶作

天闕何巍巍脩廊接高閣冠珮相追隨何曾歎離索值
此夏日長深居淨炎歛仰慚昔人言兼有天人樂泛觀
百氏書得意時一噱新水漲玉河流雲度朱箔農家望
甘雨緣知夜來落階草回枯荄益荷承嫩萼欣欣耳目
間羣物俱有託安知宿麥空孰與求民瘼悠然發孤詠

薰風動簷鐸

與李世賢游月河寺

春闈濫校文喜與子為伴匆匆三試餘文卷總堆案夕覽不成眠朝披遂忘盥當其忙迫時往往至達旦倦甚復醒然長鳴老鵝亂地與門鑰分人從壁鍾喚空庭豈不廣欲步足如絆謂當撤棘闈償勞藉游玩人事各紛紛詩社盟屢叛往苒入夏來仰天復憂旱及茲得甘雨行潦且瀰漫天氣今特佳陰晴料能斷駕言出東郊尚

趁季夏半緩行乏肩輿低載維欵段僕夫請所之聊循
月河岸野寺雖荒涼當門有奇觀雨後流泉長絕勝冰
始泮危亭合清陰繙絡也須袒蕪為河朔飲酒到請勿
算馬上談新詩先此發一粲

送許墳還東陽

王允達贈

浙河昔枉棹千里來吳中茅堂乏延欵脩竹維清風愛
子脫流俗宛然如婦翁信哉得許幼因之想王通常當時
既別去傳聞學彌工固應領鄉薦名姓登南宮只我重為

子喜仕路今方崇却緣感霜露一卧春闌空有司幸藉
口弗駕車虛攻被褐出太學伏暑憐未終過我復告別
仍還浙河東都門雨新霽晚天見長虹津頭水勢盛蓮
岸宜孤篷遙遙八華山翠色高巒從讀書有舊隱績學
期成功三年蘊上鶴一日雲間鴻

次韻寄潘太守琴

閩南闢政賴君修吏治評來漢代優民有田疇歌名杜
士能經學比程仇乞身豈為浮言動去郡惟將故事留

未老一筇端可却自臨溪足與山頭

送秦廷韶改守建昌

京塵漠漠愛樓居卧看天街雨脚踈詩疑前人知可到
史修循吏許誰書倘開東閣應先入暫守西江亦美除
試向新民談舊政三年化及武昌魚

送潘栗夫僉憲提學四川

豸服初成詠五紳西行兼得里門過漢家暫託文翁事
蜀道休聽太白歌諸老詞章惟故郡頻年交誼共賢科

雪消三峽江流急定擬將詩度旋渦

彭文憲公挽章

館閣先登寵渥全名齊東里繼鄉賢史家房杜功難錄
文苑歐曾法獨傳四海日長依化國九京天遠隔重泉
後生三載相從地坐對薇花欲泣然

王成憲席上賦火肉

竹烟冉冉暗中浮佳味誰將製法求熊掌不勞重宴客
羊頭何用亦封侯黑臀彷彿逢公子白蹄分明出婺州

飽後厨人還細覶一盤紅玉薦新芻

分題習家池送侯僉憲

遭時為漢官佐憲游楚地偶過習家池還詢山公事遺
音有歌童倒載忘歸騎後世愧高情徒然效沈醉

送祁至和參政還湖廣

赤墀憶共接班行當日君猶作正郎久向江西參政事
又來闕下沐恩光三年考績因虞典千里提封過楚疆
秋滿都城臨別意只將詩句納行囊

送蕭漢文貴州僉憲

連宵不省是離筵空喜當軒朗月懸男子出游須萬里
大夫能賦已千篇吏曹薦士知無忝王事勞人信獨賢
坐待高秋天氣爽好懷還託雁書傳

為邵日昭題荆南春曉圖

尚書高公成絕藝二百年來許誰繼愛此荆南春曉圖
霧雨濛濛濕青髻邵君讀書當萬山誅茆結屋纔三間
深林卓午日光漏猛虎猶能窺一斑

東駕問陸鼎儀之疾次韻羅洗馬傳校書

廿年翰苑舊儒臣簡命東朝進講頻病體卧來聊假日
睿思傳到旋生春尋常賜食當前席咫尺登瀛迂要津
想見幽懷多感激秋宵無寐望儀宸

野步圖

山風不斷鬢毛涼誰埽迢迢赤岸霜莫怪回頭三步裏
石林端可坐焚香

送李若虛

浙中妙山水造化夙所置美哉聚於斯千里一畫笥行
觀與坐閱舉筆皆可記其間多詩人良亦山水致李侯
豫章產詩骨稟尤異決獄最屢書豈不稱法吏苦吟顧
無儔自謂性偏嗜騎馬長安街推敲見詩意終然胸中
奇抑鬱未能肆擢官副外臺偶在兩浙地階庭列儒生
案牘積文字多暇仍出游茲惟愜吾志撲硯饒清暉新
題翻目試寄與藍田丞吾仍有公事

送陳師禹提學雲南

萬里行行馬獨前外臺仍喜得同年

初擬蕭漢文不果

路開六

詔連車轍業講諸生對簡編鐵豸冠高還自整碧雞祠
古漫相傳兩張條約曾親見願向遐方繼昔賢

嵐山張節之華

亭張時敏近歲皆以副使在師禹省中為提學稱首

送蔡太守赴南寧

五馬齊驅雪蹟深除書新領荷綸音地偏正倚西南事
天遠須懷咫尺心陸續清名惟載石蔡邕高調豈彈琴
春風驛使應多便擬報諸蠻總獻琛

為徐仲山題虎丘觀泉圖

徐子昔年官水部，匹馬蕭蕭歷齊魯。
運河水滿萬艘通，汶泗交流無壅土。
歸來泉志手親編，好與河渠書並傳。
不識當時陸鴻漸，齒牙空味虎丘泉。

題汀州忠愛祠

閩南初置千夫長，鄧賊乘機潛聚黨。
一朝變起沙尤間，山谷羣蠻應如響。
竹鎗紙甲銳且堅，白晝橫行爭擾攘。
盡驅壯者入寨中，忍見寡妻啼道上。
列城有警朝出兵，

府庫大開懸厚賞賊徒失計漸誅夷流血成川歸洗蕩
宇帥何曾論脅從刻日搜山當不爽軍門有令誰敢違
汀州推官獨稱枉推官在州十八年獄空有頌人曾傳
寧將一身與賊死身安要與民俱全紛紛總作邀功計
道路所獲皆牽連下車解縛焚簿籍似此活人知幾千
卧龍山下陳牲醴民欲祀生翻祀死千年何以表赤心
忠愛煌煌有題字獨憐仕路終府僚報德茫茫嗟此止
豈不聞玉堂謝學士閩人說是推官子

送張兼素

北河冰合滯方舟來作京華兩月留公議在人書上考
壯懷于世抱先憂旋歸幸慰斯民望撫字勞從異日酬
握手不誇春榜舊南雍風月久同游

答兼素次韻留別

南去難同郭泰舟客樓密雪故延留來朝初考虞廷績
出守真分漢室憂已似往年重惆望可能終日遂賡酬
春風遠召還堪慰聯珮相期鳳沼游

次韻傅曰川病中

歲暮偏驚客過門方書時與國醫論筇拖凍雪當松院
屋背方塘類水村日耀五升知貴賤月收一束問寒暄
杜陵詩句依然在想見微吟對淺尊

游朝天宮

撲衣塵霧入門消脩竹奇松步屨遙紫府新開延日月
碧臺高築倚雲霄城頭瑞鶴招還下海上枯槎坐欲漂
為憶仙家爛柯事手摩石刻是前朝

原已邀賞雪

乘興誰移雪夜舟
清晨書札喜相投
極知今日三宜賞
原已語亦愛前人四即休
臘粥餽餘猶宿飽

時為臘月九日春醪

傾滿更新芻回瞻玉宇
高寒處快馬何人自軟裘

追和葉文莊公喜雪

都人舉手荷堯天
不用書雲更卜年
覘未曰消應待伴
霞維先集似爭權
作勞願附三農後
志喜誰誇十載前
獨坐南窓紅日滿
敢辭磨墨製新篇

觀奕

高樓殘雪照棋枰坐覺窓間黑白明袖手自甘終日飽
苦心誰惜兩雄爭豪鷹欲擊形還匿怒蟻初交陣已成
却笑面前歧路滿蘿張何事學縱橫

次韻邵文敬對雪

酒力難勝夜氣嚴硯池冰涸咽銅蟾客居燕趙驚初見
歲在壬寅信可占棋士手駛猶對局詩人齒冷欲停籤
北風作陣斜窓白吹滅銀燈坐未厭

哀蕭漢文

吾鄉二年間人厄何屢見生者若晨星死者若激電張
卿當壯年疾行已云先凌老俄繼之身後誰主奠褚子
遠名來喪舟遽南旋安知吾漢文策馬奔復殿異哉難
重陳此事真大變漢文少也孤惟日親筆硯既壯登甲
科世故嘗歷練工官亦甚勞精勤素無倦仕優兼好文
提學首膺薦終然剛直姿此輩方悄悄遂成貝錦詩側
席阻深眷幸爾賴聖明不失外臺選一時重賢名遠去

人反羨朋儕置別筵我數獲陪宴席間雜珍肴獨怪強
下嚥被病蓋已深憔悴見顏面杪秋城東隅聯騎爭往
餞舉鞭大道間欲別仍戀戀孰期驅征車稅駕翻飾輶
訣從南使來交游走相唁客居地苦寒啓牖放早暝念
舊涕淚零雪後還集霰嗟惟茲四人在朝並吳彥其一
吾同官其三自同縣漢文死差強故宅歸偶便獨憐鍾
鼎材墮地成破甌歲晚魂茫茫有手恨莫援呵筆一寫
哀聊為故人傳

家藏集卷九